

問壽醫粹
司略



蔣寶素著

問
齋
醫
案

即
診
略

廣陵醫藉叢刊
第二輯出三已巳
全秋景印出版

前言

蔣寶素先生《醫略》十三篇付之影印，余既作序於前矣，繼付手民者，則《問齋醫案》也。趨庭問乃翁，侍帳問良師，皆問也。昔孔子問禮於老聃，問藥於長弘，入太廟，則又每事問，孔鯉過庭，又問其學詩乎，學禮乎。古詩又有「每逢善事從頭問」句。《內經》固為問答體，其開宗明義之第一章《上古天真論》，首句即為「迺問於天師曰……」等，此均問齋之名所由起也。

蔣氏多才多藝，曾著有七略，詳目已見於《醫略十三篇》。拙序中，姑不重複。於此，僅就診略——

公問齋醫案言之。

醫略與醫案，雖為談醫之作，然其中實寓有文史、哲、兵各個方面之學問。試申論之：案語之文采、辭藻，是文章也，又每寓詩情。文獻之引用，疾病源流之推尋，是活人之學也，實亦醫史之學。其明陰洞陽，通運氣之微旨，則醫也、亦哲也。扶正祛邪，審勢而用，是醫療也，亦是戰略戰術，乃兵法也。既具此四者，故非一般醫案所可以比擬。

案中病例，俱從實踐中来，其患者又多鎮揚之人，非一般擬案之可比，如腎部伏邪案中，有「反復三次，皆在七日，得戰汗而解」之案語，若以之繪成熱型圖，則頗似今日所說之迴歸熱，非想像可

得，乃臨症之真實情況。案中又每多直接了當，一語道破之處，用藥亦簡潔可取，故為初學者必讀之佳書。

此書之整理督刊，均為其高徒揚州李永福一手董理，已詳於蔣氏自序之末，不贅。今以之實吾廣陵醫籍叢刊，廣彼前聞，開茲後學，發揚特色，昌明中醫，當為鎮揚兩岸同道所樂許也。謹序。

己巳春日

揚州耿鑑庭識於舊宅之鶴來軒中

問齋醫校

自序

醫之原始于黃帝恣于六臣黃帝立極之神聖也六臣命世之鴻才也然鬼臾區對黃帝之問猶稱臣斯十世言習醫經十世于茲矣醫蓋若此其難也帝與六臣平素講求問難以拯元元所謂內經尚書不載儒者或不傳蓋殷末周初良醫述黃歧之論而內經出焉內經以後五百餘年而有扁鵲設八十一難扁鵲沒又五百餘年而有仲景作傷寒論仲景沒後內經大義日湮漢魏以降唐宋以來名家競起方書充棟求其與經旨全符者鮮矣如真風類風

之錯亂陰暑陽暑之不經濕熱濕溫之疎畧金燥火燥之
混同君火相火之無憑六淫且昧其五安問其餘此醫按
所由作也醫按五卷分心脾肺腎肝五部合火土金水木
五行共四十三門令百病各有所繫如日以繫月月以繫
年先正其名而後論治類聚諸家之說叅以經史子集之
言別是非定從違必符經旨而後已豈好辨哉爲去前賢
白璧之瑕爲明聖經垂訓之旨耳值瓜洲
途堂李永福
精於醫爲余叅訂付梓



天不言醫生神聖以言之天不治病生草木以治之代天
言醫治病者神農著本草黃帝著內經上窮天文下極地
理中悉人事辨藥品之良毒論疾病之是非陰陽五行之
生剋四時六氣之正邪八方風土之殊治藏府氣血之盈
虧當年不能究其文累世不能通其意學者各因其才以
取之耳故上醫醫國能醫未病其次醫已病並醫百世之
病醫一世之病不能醫百世之病斯爲下矣扁鵲秦和秦
緩醫國醫未病之醫者也仲景醫已病醫百世之醫者也
仲景以後至於今著書立說者蓋二百餘家矣皆能醫一
世之病不能醫百世之病離聖久遠仰參經旨何異居九

壞而測九天然有所得亦能取效一時世轉風移成法翻
爲疑案以偏救弊鮮得其中偏弊相承有乖經義以故二
百餘家所著之書均皆有病此醫案所以正名爲主名正
則言順治當而無偏倚之弊本內經之旨聚諸家之說証
以經史子集之言令其是非自見膏肓旣針廢疾俱起然
則吾祖乃醫書病之醫者也長孫安吉謹識



古治療家各以所得著書垂後其餘論病處方言之詳矣而承學之士臨證愴悅鮮所適從所以然者疑似同異之間病情百變其說雖存而治療之迹不可得而覆按也舊惟劉禹錫傳信方許叔微本事方間具治疾原委覽者心目豁然遇證之偶相類者用之無疑效可立俟自是以後丹溪瀕湖立齋諸家醫案往往出矣余友 蔣君寶素既著醫畧十三篇行世已又輯生平醫案分別部居繫於五藏條其細目列四十三門凡內外因諸證悉備矣夫官府興除成例謂之案事無鉅細必稽舊案以其曾經斟酌可以萬全無弊也於醫何獨不然一切病情介在疑似稽之

舊案則以上工之斟酌救粗工之孟浪所全必多且官府
之案當生者必不死當死者必不生法依乎情也醫之爲
案其決人生死亦然治合乎疾也吳門前哲嘗著醫案其
書甫出而方與案違有授人以指摘者我知 蔣君必無
是也雖與丹溪瀕湖立齋相代與可也

同里愚弟李承霖拜序



寶素先生以醫名世者四十餘年余頃遇於沙溪先生
出所著醫案示余曰此平生所用以治人者遭亂亡失過
半不忍盡棄時輯以問世子爲我序之余素不知醫何足
以言先生之蘊奧然觀先生活人之多則其術之精
焉可知矣是書爲先生已試之效其非空言無補又可
信也先生資稟絕人於諸子百家靡不通而於醫學
爲尤邃凡人精力所貫注必有不可磨滅之處是書必行
於今而傳於後更無疑也奚待余言哉抑余於先生重
有感焉方吾鄉晏安時先君子家居與先生相遇從至
樂也先君子而得危疾皆賴先生治之獲全迄粵寇西

至先生徙而北先君子徙而南音問阻隔丙辰歲寇氛
益逼先君子復徙於金沙悒悒得疾余時思迎先生一
診而烽烟滿目道路乖分卒不可得而先君子之疾遂以
不起是以一見先生既感且悲而又深抱爲人子不知
醫之憾雖欲從遊亦已晚矣然則余於是書卽欲無言烏
能已乎爰敬識數語而歸之

同里韓弼元頓首拜撰



問齋醫按心脾肺腎肝五部總目

心部第一

共十門



暑症

火症

痰瘧

痢疾

狂癲

不寐

怔忡驚悸

三消

諸汗

呃逆

脾部第二

共十門

濕症

霍亂

沙蟻

嘔吐反胃噎膈

泄瀉

痰飲

腫脹

黃疸

積聚

痞滿

肺部第二

共七門

喘促

哮喘

咳嗽